

讀

書

雜

志

淮南內篇第十

讀書雜誌九

高郵王念孫

繆稱

從天之道

黃帝曰，芒芒昧昧，從天之道，與元同氣。念孫案：道本作

威。今作道者，後人不解威字之義而妄改之也。文選宋孝武宣

貴妃誅注引此已誤案：威者德也。言從天之德也。廣雅曰：威，德也。

周頌有客篇既有淫威，降福孔夷。正義曰：言有德，故易

福風俗通義十反篇曰：書曰：天威棗謨，言天德輔誠也。

是古謂德為威也。後秦族篇及呂氏春秋應同篇竝云

黃帝曰苾苾昧昧因天之威與元同氣文子上仁篇因
天之威與元同氣用泰族篇文也上下文皆出泰族篇符言篇從
天之威與元同氣用此篇文也下文故至德言同略事同指云云皆出此篇
然則泰族作因天之威此作從天之威雖因與從不同
而威字則同矣

仁義

君子非仁義無以生失仁義則失其所以生小人非嗜
欲無以活失嗜欲則失其所以活故君子懼失仁義小
人懼失利念孫案三仁字皆原文所無此後人依上文
加之也不知此八句與上異義上文是言仁義不如道

德此文是言君子重義小人重利故以義與利欲對言而仁不與焉太平御覽人事部六十二義下引此無三仁字文子微明篇同

致尊

聖人之道猶中衢而致尊邪過者斟酌多少不同各得其所宜念孫案致尊當爲設尊字之誤也藝文類聚雜器物部太平御覽居處部二十三器物部六引此竝作設尊

得賢

己未必得賢而求與己同者而欲得賢亦不幾矣念孫

案己未必得賢得字因下文得賢而衍羣書治要引此無得字

物莫無所不用

物莫無所不用念孫案此當作物莫所不用莫即無也無字蓋涉下文無所不用而衍

意而不戴

勇士一呼三軍皆辟其出之誠也

舊本誠字誤在也字下今據文子精誠篇

乙故倡而不和意而不戴中心必有不合者也高說意而不戴云意悲聲也戴嗟也念孫案高說非也戴讀爲戴鄭注堯典曰戴行也言上有其意而不行於下者誠

不足以動之也。下文云：上意而民載誠中者也。高注曰：上有意而未言，則民皆載而行之，是其證矣。文子精誠篇正作意而不載。

王天下

故舜不降席而王天下者，求諸己也。念孫案：王當爲匡字之誤也。匡，正也。正己而天下自正，故曰：舜不降席而匡天下者，求諸己也。己不正，則不能正人，故下文曰：身曲而景直者，未之聞也。下文又曰：故舜不降席而天下治，彼言天下治，此言匡天下，其義一也。今本作王天下，則非其指矣。文子精誠篇作不下席而匡天下，韓詩外

傳及新序雜事篇竝作不降席而匡天下

感忽

說之所不至者容貌至焉容貌之所不至者感忽至焉
念孫案感忽者精誠之動人者也故下文曰感乎心明
乎智發而成形精之至也可以形勢接而不可以昭詔
廣雅記荀子議兵篇曰善用兵者感忽悠闐莫知其所
告也從出義與此相近道藏本茅本竝作感忽文子精誠篇
同劉本誤為感或而莊本從之謬矣

克不能及

中行繆伯手搏虎而不能生也高注力能殺虎蓋力優而德不能服之

而克不能及也。高注克猶能也。念孫案克不能及當為克不及

克能也。言搏虎之力雖優而服虎之能則不及也。優與

不及義正相對則及上不當有能字。高注克猶能也是

指上句能字而言。正文能字即因上句能字而衍。

行斯乎其所結 釋近斯遠

終年為車，無三寸之鎗，不可以驅馳。匠人斲斤，無一尺

之機，不可以閉藏。故君子行斯乎其所結。道藏本如是各本斯作思

乃後人以意改之。莊從各本作思非。念孫案斯當為期字之誤也。言君子

行事必期其所終也。高注結要終也。又下文釋近斯遠塞矣。斯

亦當為期。釋近期遠塞矣。謂道在邇而求諸遠則必塞。

也。文子精誠篇作舍近期遠是其證。

遠害

故禹執干戚舞於兩階之間而三苗服。鷹翔川魚鼈沈。飛鳥揚必遠害也。念孫案遠害本作遠實。此後人以意

改之也。據高注云鷹懷欲矣。

害與肉同欲肉者欲食肉也各本害字皆誤作害辨

見原道篇欲寅之心下

之心。鳥魚知其情實故遠之。則本作遠實

明矣。太平御覽鱗介部四引此正作遠實。此承上文忠信行於內感動應於外而言。言禹有忠信之實故舞干戚而三苗服。鷹有欲肉之實故魚鳥皆遠之。若無其實而能動物者則未之有也。後人改遠實為遠害失其指

矣。

苟簡易

故君之於臣也。能外生之。不能使爲苟簡易。念孫案簡字。後人所加。高注云。君不能使臣爲苟合易行之義。則無簡字明矣。下文曰。父之於子也。能發起之。不能使無憂。尋與此相對爲文。加一簡字。則文不成義。且與下文不對矣。

慙乎景

夫察所夜行。周公慙乎景。故君子慎其獨也。念孫案慙。上當有不字。方與下意相屬。文子精誠篇作聖人不慙。

於景晏子春秋外篇君子獨立
不慙于景獨寢不慙于景

至至

故至至不容高注曰至道之人不飾容也劉本改至至

為至人

各本及莊本同

又下文故至至之人不可遏奪也高注

曰言至道之人其心先定不可臨以利奪其志也劉本

又改至至為至道

各本及莊本同

念孫案劉不解至至二字之

意又見高注兩言至道之人故或改為至人或改為至

道不知至至即至道也至至之人即至道之人也下文

云故聖人栗栗乎其內而至乎至極矣至乎至極即所

謂至至也本經篇未可與言至也高注亦曰至至德之

道也是道之至極，卽謂之至。至乎道之至極，卽謂之至。故此兩注皆以至至爲至道也。劉不曉注意，而以注文改正文謬矣。下文又云：至至之人。唯此至至二字，劉本未改。不慕乎行，不慙乎善。至至二字，前後三見，何不察之甚也。

不身遁

不身遁，斯亦不遁人。高注曰：遁，隱也。己不自隱身之行，亦不隱之於人也。念孫案：不身遁，身當爲自字之誤也。據高注云：不自隱身之行，則所見本已誤作身。上文非自遁也。高注云：遁，欺也。廣雅同：遁，字亦作遜。脩務篇審於形者，不可遜以狀。高注曰：遜，欺也。此言自遁亦謂自欺也。不自欺，斯不欺人。故下二句云：若行獨梁，不爲無人。

不競其容謂不自欺也古者謂欺爲遁管子法禁篇曰遁上而遁民者聖王之禁也謂上欺君而下欺民也賈子過秦篇曰姦僞竝起而上下相遁史記酷吏傳序曰姦僞萌起其極也上下相遁皆謂上下相欺也

夫子曰弦則是也其聲非也

故心哀而歌不樂心樂而哭不哀夫子曰弦則是也其聲非也高注曰閔子騫三年之喪畢援琴而彈其弦是也其聲切切而哀

事見楡風素冠傳

引之曰上文申喜遇母及

艾陵之戰皆直敘其事此未敘其事而忽云夫子曰弦則是也其聲非也則不知所指爲何事矣疑閔子騫三

年之惠畢援琴而彈十二字本是正文在夫子曰上而
寫者誤入注也

矜怛

矜怛生於不足高注曰怛驕也念孫案慘怛之怛無訓
為驕者怛皆當為怛字之誤也說文怛驕也字從且丩
從且玉篇秦呂子御二切廣雅曰憍通作驕怛傲侮慢傷

通作易

也高注汜論篇曰駟驕怛也竝與此注同義怛訓

為驕故言矜怛也又呂氏春秋審應篇使人戰者嚴駟
也高注曰嚴尊也駟驕也說文又云媼驕也文選嵇康
幽憤詩恃愛肆姐不訓下同怛媼姐駟竝字異而義同

理詘俛佝

容貌顏色理詘俛佝劉勰云後有倨句詘伸見兵疑

此作詘伸倨句行理字念孫案劉說是也倨句猶曲直

也樂記曰倨中矩句中鉤俛誤為俛句誤為佝因倨字而誤加

人理字因下文循理而行各本佝字又誤為徇而莊本

從之謬矣

刑於寡妻

刑於寡妻至於兄弟禪於家國念孫案刑於寡妻本作

施於寡妻此後人依大雅改之也不知施於寡妻禪於

家國皆用詩意而小變其文與直引詩詞者不同無煩

據彼以改此也。文選漢高祖功臣頌注引此正作施於寡妻施讀若施于孫子之施。

大而章

君子之道近而不可以至，卑而不可以登，無載焉而不勝，大而章遠而隆，念孫案大而章大當爲久字之誤也。此言君子之道始於卑近而終於高遠，是以久而彌章，遠而彌隆。上文云聖人之爲治，漠然不見賢焉，終而後知其可大也，意正與此同。若云大而章則義與下句不類矣。文選荅賓戲時暗而久，章者君子之眞也。李善注引此文云君子之道久而章，遠而隆，是其明證矣。

漂池

鑿地漂池非止以勞苦民也各從其蹠而亂生焉高注曰人或有鑿穿或有填池言用心異也念孫案如高注則漂池當作湮池湮訓爲塞故注言填池也非止以勞苦民也止疑當作正上文曰故人之甘甘非正僞蹠也僞與爲同而蹠焉往君子之憍怛非正僞形也而論乎人心語意與此相似

循性而行指

太公何力比于何罪循性而行指或害或利念孫案循性而行指謂率其性而行其志也呂氏春秋行論篇布

衣行此指於國高注曰指猶志也劉本改指爲止而諸
本從之莊本同謬矣

必其得福

故君子能爲善而不能必其得福不忍爲非而未能必
免其禍念孫案必其得福當依文子符言篇作必得其
福與必免其禍相對爲文

厚膊

故同味而嗜厚膊者必其甘之者也高注曰厚膊厚切
肉也念孫案說文膊薄脯膊之屋上也非切肉之義膊
皆當爲膊字之誤也說文膊切肉也玉篇旨充切廣雅

臙臙也

說文臙切肉臙也

字從專不從尊臙之言割也鄭注文

王世子曰割割也故高注以臙為切肉鍾山札記以臙

為臙字之誤非也

分分

福之萌也縣縣禍之生也分分福禍之始萌微故民媮

之念孫案分分當為介介字之誤也

介本作分分俗作今二形相似故傳

寡多譌莊三十年殺梁傅燕周之分子也釋文分本或

作介周官內宰注敘介夫也釋文介或作分非大宗伯

注雉取其守介而外釋文介或作分莊子庚桑楚篇介

而離山釋文介一本作分春林繁露立元神篇介障險

阻介譌作分皆其證也介介微也豫六二介于石繫辭傳憂悔吝

者存乎介虞注並云介纖也齊策曰無纖介之禍是介

爲微小之稱禍之生也介介與憂悔吝者存乎介意正相近縣縣介介皆微也故曰福禍之始萌微文子微明篇作禍之生也紛紛則後人妄改之耳

行政善善未必至也

周政至殷政善夏政行行政善善未必至也至至之人不慕乎行不慙乎善念孫案行政善善未必至也當作行政未必善善政未必至也今本上句脫未必二字下句脫政字則文義不明高注夏政行曰行尚粗也是行政未必善也又注殷政善曰善施教未至於道也是善政未必至也又注周政至曰至於道也故曰至至之人

不慕乎行，不慙乎善。見上。至，卽至道說。文至至下。

矣鐸

義之所加者淺，則武之所制者小。句。矣鐸以聲自毀膏
燭以明自鑠。梁氏處素曰：矣當為吳，字之誤也。吳鐸二
字連讀，故高注云：鐸大鈴，出於吳。鹽鐵論利議篇：吳鐸
以其舌自厥，是其證。太平御覽人事部一百引此正作
吳鐸以聲自毀。

舉以大政 后稷為大田師，奚仲為工

甯戚擊牛角而歌，桓公舉以大政。念孫案：舉以大政，本
作舉以為大田。此後人以意改之也。舉以大政四字，文不成義，蓋後人不

知大田為官名，故妄改之耳。文選江淹雜體詩注引此作舉以為大

田，又引高注曰：大田，官也。當作大田，田官也。今則既改正文，又

刪去高注矣。高注詮言篇曰：甯戚疾商歌以干桓公，桓

公舉以為大田。晏子春秋問篇曰：桓公聞甯戚歌，舉以

為大田，此皆其明證也。管子小匡篇曰：墾草入邑，辟土

立為大司田，呂氏春秋勿躬篇作請置以又齊俗篇后

稷為大田師，奚仲為工師，字當在工字下。後人不知大

又移師字於大田之下，太平御覽皇王部五引此已誤。大田，田官之長也。工師，工

官之長也。文子自然篇作后稷為田疇，奚仲為工師，是

其證。

大弦組 小弦急

治國辟若張瑟大弦組則小弦絕矣高注曰組急也念
 孫案組皆當為組字之誤也組讀若耳字本作摠又作
 組說文摠引急也又曰組急也楚辭九歌組瑟兮交鼓
 王注曰組急張弦也組即組之省文馬融長笛賦云組
 瑟促柱是也意林及太平御覽治道部五引此竝作大
 弦組是其證泰族篇云故張瑟者小弦組而大弦緩義
 與此同也高注亦云組急也今本則依文子改為小弦
 急并刪去高注矣藝文類聚治政部上文選
 長笛賦注引此竝作小弦組又
 引高注組急也足正今本之謬

積恨而成怨 桀紂之謗

壹快不足以成善積快而為德壹恨不足以成非積恨
而成怨故三代之善千歲之積譽也桀紂之誦千歲之
積毀也念孫案積恨而成怨怨本作惡桀紂之誦誦亦
本作惡皆後人妄改之也壹快不足以成善積快而為
德者德亦善也言一為善而快於心不足以成善多為
善則積快而為德矣壹恨不足以成非積恨而成惡者
恨悔也大雅雲漢傳悔恨也漢書李廣傳將軍
自念豈嘗有恨者乎顏師古注恨悔也非亦惡
也言一為不善而悔於心不足以成非多為不善則積
悔而成惡矣快與恨對善與非對德與惡對皆謂己之
善惡非謂人之恩怨也後人誤以德為恩德恨為怨恨

故改惡爲怨耳。三代之善千歲之積譽也。桀紂之惡千歲之積毀也。善與惡對。譽與毀對。改惡爲謗。則旣與善字不對。又與毀字相複矣。文選運命論注引此。正作桀紂之惡。

二鳳凰

管二鳳凰至於庭。劉本作管二皇鳳凰至於庭。文選注藝文類聚太平御覽玉海並引高注二皇宓羲神農也。今本脫之。原道篇泰道藏本皇字倒在鳳字下。因古二皇高彼注與此注同。誤而爲鳳。劉本補皇字而未刪鳳字。各本及莊本同。皆非也。文選長笛賦注。藝文類聚祥瑞部下太平御覽羽族部二

及爾雅翼玉海祥瑞部引此竝作二皇鳳至於庭燕鳳字、

兼覆蓋 度伎能 兼覆而并之 技能其才

兼覆蓋而并有之度伎能而裁使之者聖人也高注曰裁制也度其伎能而裁制使之念孫案正文本作兼覆

而并有之伎能而裁使之注本作度其能而裁制使之

伎之言支也支度也大戴禮係傳篇燕支地計眾不與齊均也盧辯注支猶計也賈子胎

教篇作度地計眾注言度其能而裁制使之度字正釋伎字今

本注文作度其伎能者涉正文而行伎字也太平御覽引此已誤

正文作度伎能者又涉注文而行度字也御覽引此不誤因正

文衍度字，後人又於上句加蓋字以對下句，兼覆蓋而
并有之，斯爲不詞矣。太平御覽人事部一引此，正作兼
覆而并有之，技能而裁使之。技與伎同文子符言篇同，又齊
俗篇若以聖人爲之中，則兼覆而并之，案彼文并下當
有有字，兼覆而并有之，文與此同也。又兵略篇必擇其
人，技能其才，使官勝其任，人能其事，案技能其才能字
涉下文能其事而衍技其才，亦謂度其才也。擇其人，技
其才，官勝其任，人能其事，皆相對爲文，則技下不當有
能字，且能卽是才，若云技能其才，則是技能其能矣。

淮南內篇第十

淮南內篇第十一

讀書雜誌

高郵王念孫

齊俗

偽匿之本

夫水積則生相會之魚土積則生自冥之獸

冥與肉同各本冥誤

作六辯見原道欲寅之心下

禮義飾則生偽匿之本太平御覽禮儀

部二引此偽匿之本作偽隱之儒又引注曰偽詐隱姦

念孫案隱匿古字通

說見秦族民無匿情下

本當為士偽匿之士

與相會之魚自肉之獸相對為文若云偽匿之本則與

上文不類矣御覽作偽隱之儒儒亦士也諱書士字或

作木

見漢仙人唐公房碑陰

與本相似又涉上文禮義之本而誤

致煖 兵戈

其衣致煖而無文其兵戈銖而無刃

高注楚人謂刃頓為銖

念孫

案此本作其衣煖而無文其兵銖而無刃後人於煖上加致字於義無取戈為五兵之一言兵而戈在其中不當更加戈字且其衣致煖與其兵戈銖不對明是後人所改文子道原篇正作其衣煖而無采其兵鈍而無刃

抽箕 扣墳墓

故有大路龍旂羽蓋垂綏結駟連騎則必有穿窬拊櫬抽箕踰備之姦高注曰抽握也備後垣也引之曰抽箕

當爲相墓。高注抽握也。當作相掘也。相字本作搆。說文曰搆掘也。或作相廣雅曰相掘也。荀子正論篇曰相人之墓是也。呂氏春秋節容篇葬淺則狐狸相之。高注曰相。讀曰掘。是相與掘聲相近。字亦相通也。今本相墓作抽箕者。抽與相字相似。故相誤作抽。說林篇伏斧相兔。絲外。藝文類聚草部上引此。相作抽。論衡薄葬篇不畏罪法而邱墓相矣。今本相作抽。蓋世人多見抽。少見相。故相誤爲抽矣。墓與基字亦相似。墓以形誤爲基。漢書敘傳陵不崇墓。漢紀墓字誤爲基。墓可誤爲基。逸周書大開篇兆基九。今本基誤爲墓。是也。墓可誤爲基。故莫亦可誤爲其。史記孝文紀宗室將相王別侯以爲其宜寡人。漢書莫誤爲其。是也。墓又以聲誤爲箕耳。穿窬拊榿相墓踰備之姦。皆謂盜賊也。榿謂戶牡也。拊

榘謂搏取戶榘也。呂氏春秋異用篇云：跣與企足得節以開閉取榘是也。備與培同。下文鑿培而遁之。高注曰：培屋後牆也。呂氏春秋聽言篇亦作培。莊子庚桑楚篇作坏。漢書楊雄傳作坏。故此注云：備後垣也。又兵略篇母扣墳墓扣亦扣字之誤。本或作扶者。後人以意改之耳。莊刻從或本作扶非。

蟻慈

夫蝦蟇為鵝。水蟇為蟻慈。高注曰：青蛤也。青蛤上當有蟻字。念孫案水蟇為蟻慈。本作水蟇為蟻。玉篇蟻干公切。蜻蛉也。廣韻引淮南子蝦蟇為鵝。水蟇為蟻。太平御覽蟲豸部六所引與廣韻同。又引注云：老蝦蟇化為鵝。水中蟇

蟲化為螻螳者，蜻蜒也。

此蓋許注

說林篇水蠶為螻，高注曰

水蠶化為螻螳，青蜓也，皆其明證矣。今本作水蠶為螻

蒼者，螻為總之誤。

螻字從虫，息聲。隸書恩或作恩，又作

為螻耳。廣雅釋草，葛藟，葛也。今本葛作葛，又藜蘆，葛藟也。今本葛作葛，皆其證也。葛為葛之誤。

蒼，俗書蒼字也。與螻同音。校書者記蒼字於螻字之旁

而寫者因誤合之耳。又案高注青蛉也。下各本皆有音

才音務四字。蓋螻蒼二字既誤為螻蒼，後人遂妄加音

釋耳。字彙補乃於虫部收入螻字，音才。又於艸部蒼字

下注云音務，引淮南子水蠶為螻，甚矣其惑也。

筐

柱不可以摘齒

摘讀若剔

筐不可以持屋高注曰筐小簪也

太平御覽居處部十五引作蓬不可以持屋念孫案筐

與蓬皆筵字之誤也筵讀若庭又讀若挺庭挺皆直也

爾雅庭直也考工記弓人注曰挺直也

小簪形直故謂之筵

小簪謂之筵小折竹謂之

筵草莖謂之筵杖謂之挺皆以直得名

柱與筵大小不同而其形皆直故

類舉之若筐與蓬則非其類矣玉篇筵徒丁切小簪也

義即本於高注此言大材不可小用小材不可大用故

柱可以持屋而不可以摘齒小簪可以摘齒而不可以

持屋也筵字隸書或作筵

隸書從竹之字或從艸

形與蓬相似筐

與筵草書亦相似故筵誤為筐又誤為蓬矣

函會不如算 弊算

夫明鏡便於照形其於以函會不如算念孫案函會不

如算本作承會不如竹算

算博計反

今本承誤為函算誤為

算

算誤為算又誤而為算

又脫去竹字耳說文算蔽也所以蔽甌

底承讀為丞之浮浮之丞謂用以丞會也

漢書地理志長沙國承陽

師古曰承音丞續漢書郡國志作丞陽是丞與承通太平御覽器物部引此作蒸會

今人猶謂甌

中蔽為算子世說云客詣陳太邱宿大邱使元方季方

炊二人委而竊聽炊忘箸算飯落釜中是也說山篇云

弊算甌甌在旃茵之上甌貪者不搏是算為物之賤者

然明鏡雖貴若用以蔽甌底則氣不上升而會不熟竹

算雖賤而可以烝會故下文云物無貴賤因其所貴而
貴之物無不貴因其所賤而賤之物無不賤也鏡形圓

算形亦圓故連類而及之若算筭之屬則儻之不於其

倫矣且算與𠄎爲韻𠄎音若作算則失其韻矣太平御

覽服用部鏡下引淮南子明鏡便於照形承會不如竹

算雖承字不誤而算字已與今本同然器物部算下又

引淮南子明鏡可鑑形蒸會不如竹算是則服用部作

算者後人據誤本淮南改之耳北堂書鈔服飾部鏡下

引作承會不如竹算算亦算之誤又案說山篇斲算甑

甑今本算作算非也說文算敲也所以敲甑底從竹界

聲玉篇博計切急就篇云筭筭筭筭是也說文
又云筭筭筭也從竹卑聲玉篇必匙必是二切急就篇
云筭筭筭筭筭是也此言筭筭筭則非筭筭之
筭非筭筭之筭字不當從卑

代爲常

見雨則裘不用升堂則裘不御此代爲常者也陳氏觀
樓曰常當爲帝字之誤也太平御覽服章部十一引此已誤代爲帝謂
裘與裘迭爲主也說林篇曰旱歲之士龍疾疫之芻靈
是時爲帝者也莊子徐無鬼篇曰墓也桔梗也雞靡也
豕零也是時爲帝者也義竝與此同

肆

譬若舟車楯肆窮廬故有所宜也高注曰沙地宜肆脩
 務篇水之用舟沙之用肆泥之用輶山之用藁念孫案
 肆當作𦉳玉篇乃字相似而誤文子自然篇正作沙用
 𦉳朱本茅本莊本依呂氏春秋慎勢改作沙之用鳩非
 也鳩與肆形聲皆不相近若是鳩字不得誤為肆矣或
 又因說文無𦉳字而以肆為標標與肆形聲亦不相近
 且脩務篇明言沙用肆山用藁與標肆標不同物何得
 以肆為標乎

過簫

若風之過簫，忽然感之，各以清濁應矣。陳氏觀樓曰：各本過字皆誤作過。莊本同。唯道藏本不誤。文子自然篇正作若風之過簫。

以物

凡以物治物者，不以物。句以睦。句治睦者，不以睦。以人治人者，不以人。以君念孫案：凡以物治物者，以物二字。因下文而衍。呂氏春秋貴當篇、文子下德篇皆無此二字。

哀可樂者

夫載哀者，聞歌聲而泣；載樂者，見哭者而笑。哀可樂者，

笑可哀者載使然也念孫案哀可樂者者字因下句而衍

水擊 智昏

故水擊則波興氣亂則智昏智昏不可以為政與正同波水不可以為平念孫案水擊當為水激聲之誤也羣書治要引此正作激汜論篇亦云水激與波智昏不可以為政智昏當為昏智昏智與波水相對謂既昏之智不可以為正己波之水不可以為平也今本作智昏者蒙上句而誤文子下德篇正作昏智不可以為正

萬物之情既矣

故聖王執一而勿失萬物之情既矣四夷九州服矣高

注曰既盡也各本脫此注劉本有念孫案既本作測高注本作測

盡也今本正文注文皆作既後人以意改耳羣書治要

引此正作測原道篇水大不可極深不可測主術篇天

道大不可極深不可測呂氏春秋下賢篇昏乎其深而

不測也高注竝云測盡也測與盡同義詳見經義述聞禮記測深厚下後人

但知既之訓為盡而不知測之訓為盡遂以其所知改

其所不知謬矣且測與服為韻服字古讀蒲北反說見唐韻正若作既

則失其韻矣

人之所能已

不強人之所不能為，不絕人之所能已。陳氏觀樓曰：能已上亦當有不字。文子上仁篇正作不絕人所不能已。

樂優以淫

禮飾以煩，樂優以淫。念孫案：文子上仁篇優作擾，於義為長。擾亦煩也。俗書擾字作擾，與優相似而誤。

義者宜也，禮者體也

義者循理而行宜者也。

下者字據下文及太平御覽禮儀部二補禮者體情

而制文者也。

而字據上文及太平御覽補

義者宜也，禮者體也。引之

曰：上二句卽是訓義為宜，訓禮為體，不須更云義者宜

也。禮者體也。矣。疑後人取中庸禮器之文記於後而寫

者因誤入正文也

有虞氏之祀

有虞氏之祀其社用土祀中霤葬成畝念孫案有虞氏之祀祀當為禮此涉下文祀中霤而誤也有虞氏之禮總下三事而言不專指祭祀下文夏后氏之禮今本脫之禮二字據下文補殷人之禮周人之禮皆其證

遂反於樸

已淫已失與佚同復揆以一既出其根復歸其門已離已

琢遂反於樸念孫案遂當為還字之誤也還字與上文兩復字同義作遂則非其指矣原道篇及說苑說叢篇

竝云已彫已琢還反於樸是其明證也莊子山木篇云
既雕既琢復歸於朴韓子外儲說左篇云既雕既琢還
歸其樸還亦復也此皆淮南所本

草薊

譬若芻狗土龍之始成文以青黃絹以綺繡

太平御覽引作飾以

綺繡莊子天運篇作巾以文繡

纏以朱絲尸祝衾衾大夫端冕以送迎

之及其已用之後則壤土草薊而已各本薊下有音出

二字莊曰太平御覽薊作芥

皇王部二

芥正字薊奇字念係

案音出二字後人所加高注皆言讀其字無言音某者

考說文玉篇廣韻集韻皆無薊字或音出或以爲芥之

奇字皆不知何據余謂剗者薊之壞字也草薊卽草芥

史記賈生傳細故憇剗兮今本剗作薊文選薊身賦注引鵬冠子作細故剗薊又云

剗薊與薊薊古字通玉篇薊俗薊字索隱曰薊音介漢書作薊薊是芥薊

古字通故此作薊御覽作草芥也

大雨

故當舜之時有苗不服於是舜脩政偃兵執干戚而舞之禹之時天下大雨禹令民聚土積薪擇邱陵而處之念孫案天下大雨雨本作水此後人妄改之也唯天下大水是以令民聚土積薪而處邱陵若作大雨則非其指矣後人改水爲雨者以與舞處二字爲韻耳不知此

文但以舞處爲韻餘皆不入韻也。要略正作禹之時天下大水。

故不爲三年之喪始

武王伐紂載尸而行海內未定故不爲三年之喪始禹

有洪水之患

各本有作遭乃後人以意改之文選海賦注應璩與從弟君苗君胄書注太平御覽

禮儀部三十四引陂塘之事故朝臥而暮葬道藏本不

爲三年之喪始下注云三年之喪於武王念孫案故不

爲三年之喪始當作故爲三年之喪高注當作三年之

喪始於武王藏本始字誤入正文正文爲三年之喪上

又衍不字則正文注文皆不可讀矣且上文以舞處爲

韻此以行喪葬爲韻若喪下有始字則失其韻矣此言
武王爲三年之喪而禹則朝外暮葬與武王不同非謂
武王不爲三年之喪也下文云脩干戚而笑鑿插知三
年而非一日今本非上脫而干戚二字承上文舜舜干
戚而言鑿插二字承禹令民聚土而言一日二字承禹
朝外暮葬而言三年二字則承武王爲三年之喪而言
若云不爲三年之喪則與下文相反矣要略云武王誓
師牧野以踐天子之位天下未定海內未輯武王欲昭
文王之令德使夷狄各以其賄來貢遠遠未能至故治
三年之喪殯文王於兩楹之閒以俟遠方彼言武王治

三年之喪正與此同若云不為三年之喪則又與要略相反矣道應篇述武王之事亦云為三年之喪令類不審以上三篇皆謂武王始為三年之喪故高注云三年之喪始於武王也藏本作三年之喪於武王者始字誤入正文耳劉績不知是正又改注文為三年之喪於武王廢朱本又改為言始廢於武王也莊本同皆由正文誤作不為三年之喪故又改注文以從之耳

為人

是故不法其以成之法以與已同而法其所以為法所以為法者與化推移者也夫能與化推移為人者至貴在焉

爾念孫案夫能與化推移者乃復舉上文之詞推移下不當有爲人二字蓋涉下文與造化爲人而行

鉗且

鉗且得道以處崑崙莊氏伯鴻曰莊子大宗師篇堪坏得之以襲崑崙陸德明釋文云堪坏神名人面獸形司馬

彪淮南作欽負是唐本鉗且作欽負也字形近故誤耳

程文學據山海經云是與欽殤殺祖江于崑崙之陽山西

經後漢書注引作欽駮張衡傳皆古字通用錢別駕云古

丕與負通故尚書丕子之責史記作負子丕與負通因之從丕之字亦與負通也堪欽亦同聲念孫案程錢莊

說皆是

齊味

今屠牛而烹其肉或以酸或以甘言或用酸或用甘也舊本作或以為酸或以為甘兩為字皆後人所加北堂書鈔酒食部四太平

御醫資產部八飲食部十一引此皆無兩為字今據刪煎熬燎炙齊味萬方念孫案齊味當為齊味字之誤也

齊讀若劑味即今和字也讀若甘受和之和舊本北堂

書鈔及太平御覽引此竝作齊和萬方陳再謨改齊和萬方為有萬方

謬和與齊義相近鄭注周官鹽人云齊事和五味之事

又注少儀云齊謂會羹醬飲有齊和者也高注呂氏春

秋本味篇云齊和分也本經篇云煎熬焚炙調齊和之

道鹽鐵論通有篇云庖宰烹殺胎卵煎炙齊和窮極五味新序雜事篇云管仲善斷割之隰朋善煎熬之賓胥無善齊和之漢書藝文志云調百藥齊和之所宜皆其證也又案和字說文本作味今經傳皆作和從隸變也此味字若不誤爲味則後人亦必改爲和矣

撥槎

伐榱枅豫樟而剖梨之或爲棺槨或爲柱梁披斷撥槎所用萬方高注曰撥析理也遂順也念孫案如高注則槎字本作遂故訓爲順也今作槎者因上文棺槨柱梁等字而誤耳茅本并注文亦改爲槎而莊本從之謬矣

一體

故百家之言指奏相反其合道一體也譬若絲竹金石之會樂同也念孫案體字因下文不失於體而衍合道一與會樂同文正相對則一下不當有體字下文又云其知馬一也其得民心鈞也皆與此文同一例

刀以剃毛

屠牛坦一朝解九牛而刀以剃毛念孫案刀下當有可字刀可以剃毛賈子所謂刃不頓也脫去可字則文義不明白帖十三太平御覽兵部七十七資產部八引此皆有可字

刀如新割

庖丁用刀十九年而刀如新割劉本於割下增剮字念
孫案剮增是也據高注云剮磨刀石則有剮字明矣下
刀字當作刃刃刀字相似又涉上刀字而誤也刃如新
割剮言刀刃不頓也莊子養生主篇今臣之刀十九年
矣而刀刃若新發於剮呂氏春秋精通篇宋之庖丁好
解牛用刀十九年而刃若新磨研皆其證也太平御覽
資產部八引此作刃如新砥剮雖砥與剮不同而字亦
作刃

所以巧

若夫規矩鈞繩者此巧之具也而非所以巧也念孫案
巧也上當有爲字下文云故弦悲之具也而非所以爲
悲也與此相對爲文太平御覽工藝部九引此正作非
所以爲巧文子自然篇同

心手眾虛之間

游乎心手眾虛之間念孫案眾虛二字因上文游乎眾
虛之間而誤衍也上文說庖丁解牛批卻導窾游刃有
餘故曰游乎眾虛之間此是設工匠爲連鑊之事不當
言眾虛也且心手之間謂心與手之間也則不當有眾
虛二字明矣文子作遊於心手之間無眾虛二字

不知孰是孰非

今吾欲擇是而居之擇非而去之不知世之所謂是非者不知孰是孰非陳氏觀樓曰不知孰是孰非不知二字因上句而行念孫案羣書治要引此無不知二字

趣舍合

故趣舍合即言忠而益親身疏即謀當而見疑念孫案趣謂志趣也七句反趣合與身疏相對為文則趣下不當有舍字蓋即合字之誤而行者也文子道德篇正作趣合

不能致

常欲在於虛則有不能爲虛矣若夫不爲虛而自虛者此所慕而不能致也念孫案此所慕而不能致也義不可通不能致當作無不致上文欲在於虛則不能爲虛高注以爲爲者敗之執者失之是也聖人無爲故無敗無執故無失故曰若夫不爲虛而自虛者此所慕而無不致也所慕無不致猶言所欲無不得精神篇曰達至道者性有不欲無欲而不得義與此同也今本作不能致者涉上文不能爲虛而誤文子道德篇正作此所欲而无不致也

然忽不得

不通於道者若迷惑告以東西南北所居聆聆一曲而
辟然忽不得復迷惑也念孫案然忽不得當作忽然不
得

倪

辟若倪之見風也無須臾之間定矣高注曰倪候風雨

也世所謂五兩者也莊氏伯鴻曰文選注引倪作統玉篇

平官平管二切許慎注云統候風也楚人謂之五兩攷古完與

見字形相近本多譌別故論語莞爾之莞陸德明又作

莧此字義當作統爲是念孫案莊以倪爲統之譌是也

道藏本朱本注竝作倪候風雨也雨乃羽字之譌劉本

改爲候風雨者茅本又改爲候風者也而莊本從之誤矣廣韻統船上候風羽北堂書鈔舟部二十引注云統者候風之羽也太平御覽舟部四引許注云統候風羽也今本羽則高注雨字明是羽字之譌文選江賦注引許注作候風也者傳寫脫羽字耳

治世之體

治世之體易守也其事易爲也其禮易行也其責易償也念孫案治世之體羣書治要引此體作職是也俗書職字作職體字作體職誤爲體又改爲體耳職易守事易爲禮易行責易償四者義並相近若作體則與守字

義不相屬且與下三句不類矣文子下德篇亦作職易
守下文云甚宏師曠不可與眾同職又其一證矣

跖鏹

故伊尹之與土功也脩脛者使之跖鏹高注曰長脛以
跖插者使入深太平御覽地部二器物部九引此鏹並

作鏹念孫案鏹字是也鏹即缶也跖蹋也文選舞賦注

如此故高注言蹋插說文某玉篇胡瓜切兩刃缶也宋魏曰某

或作鈺玉篇云今為鏹方言云缶宋魏之間謂之鏹高

注精神篇云缶鏹也青州謂之鏹釋名云鍤或曰鏹鏹

剗也剗地為坎也某鈺鏹字異而義同缶鍤插亦同今人謂

畱爲鐮，是也。使長脰者，蹋畱則入地深而得土多。故高注曰：長脰以蹋插者，使入深也。後人不識鐮字，遂妄改爲鑿。埤雅引此作鑿，則所見本已然。案說文：鑿，大鉏也。鉏以手揮，非以足蹋，不得言跣鑿。且高注明言蹋插，不言蹋鑿。

毛嫫

待西施毛嫫而爲配，則終身不家矣。高注曰：西施毛嫫，古好女也。羣書治要引此作西施絡慕，又引注作西施絡慕。古好女也。太平御覽獸部八引作落慕。念孫案：廣韻及元和姓纂，絡落皆姓也。慕蓋其名。治要御覽所引者，原文也。今本作毛嫫者，後人不知絡慕所出，又見古

書多言毛嬙西施故改之耳不知他書自作毛嬙此自作絡慕不必同也

竝用

然非待古之英俊而人自足者因所有而竝用之念孫案羣書治要引此竝作遂於義爲長遂卽也言因所有而卽用之故不待古之英俊而人自足也今本作竝者後人依文子下德篇改之耳

危爲禁

亂世之法高爲量而罪不及重爲任而罰不勝危爲禁而誅不敢念孫案危爲禁本作危爲難危爲難而誅不

敢者危猶高也

見緇衣鄭注

高為艱難之事而責之以必能

及畏難而不敢為則從而誅之正與上二句同意後人不察而改難為禁禁之正欲其不敢何反誅之乎文子下德篇正作危為難而誅不敢莊子則陽篇匿為物而愚不識大為難而罪不敢重為任而罰不勝遠其塗而誅不至呂氏春秋適威篇煩為教而過不識數為令而非不從巨為危而罪不敢重為任而罰不勝文義竝與此同

易其處

道德之論譬猶日月也江南河北不能易其指馳騫于

里不能易其處念孫案下易字本作改此因上易字而
誤也意林及文選月賦注鮑照翫月城西門解中詩注
引此下易字竝作改

處世

故六騏驎四馱驥以濟江河不若窾木便者處世然也
高注曰窾空念孫案處世本作處勢古者謂所居之地
曰處勢窾木謂舟也言乘良馬濟江河不若乘舟之便
者處勢使然也莊子山木篇曰王獨不見夫騰猿乎得
柝棘枳枸之間危行側視振動悼慄處勢不便未足以
逞其能也新序雜事篇曰元媛在枳棘之中恐懼而悼

慄危視而蹟行處勢不便故也史記蔡澤傳曰翠鷁犀象其處勢不遠外也漢書陳湯傳曰故陵因天性據真土處執高敞又史記楚世家曰處旣形便勢有地利有與又同淮南俶真篇曰處便而勢利處勢或曰勢居逸周書周祝篇曰勢居小者不能爲大賈子過秦篇曰秦地被山帶河以爲固自繆公以來至於秦王二十餘君常爲諸侯雄其勢居然也淮南原道篇曰故橋樹之江北則化而爲橙今本橙作枳乃後人據考工記改之辨見原道鳩鴒不過濟貉渡汝而外形性不可易勢居不可移也或言處或言勢或言處勢或言勢居其義一也後人不識古義而改處勢

爲處世其失甚矣

箕子

王子比干非不知箕子被髮佯狂以免其身也然而樂
直行盡忠以死節故不爲也念孫案箕子二字因下文
從箕子視比干而衍下文曰伯夷叔齊非不能受祿任
官以致其功也許由善卷非不能撫天下寧海內以德
民也豫讓要離非不知樂家室安妻子以偷生也皆與
此文同一例若有箕子二字則文不成義且與下文不
對矣

不足以論之

故其爲編戶齊民無以異然貧富之相去也猶人君與僕虜不足以論之念孫案論當爲諭字之誤也諭或作喻太平御覽人事部一百二十六引此作不足以喻之又引注云喻猶方也是其證

由是

夫乘奇技僞邪施者

僞與爲同

自足乎一世之間守正循理

今本循誤作脩辨見原道

不苟得者不免乎飢寒之患而欲民之去

末反本由是發其原而壅其流也念孫案由是當爲是由由與猶同羣書治要引此正作是猶

仕鄙

故仕鄙在時不在行利害在命不在智陳氏觀樓曰仕鄙當爲仁鄙字之誤也仁與鄙相反利與害相反論衡命祿篇引此正作仁鄙本經篇曰毀譽仁鄙不立漢書董仲舒傳曰性命之情或夭或壽或仁或鄙

決沈 先升

故江河決沈一鄉父子兄弟相遺而走爭升陵阪上高邱輕足先升不能相顧也念孫案沈當爲流字之誤也

荀子勸學篇瓠巴鼓瑟而流魚出聽大戴禮作沈魚江河決流爲句一鄉二字下

屬爲句非以沈一鄉爲句江河之決所沈非止一鄉也羣書治要引此正作江河決流又輕足先升升字與上

文相複羣書治要引作輕足者先無升字於義爲長

求水

扣門求水莫弗與者所饒足也念孫案此用孟子語則水下當有火字羣書治要意林引此皆作求水火

淮南內篇第十一

淮南內篇第十二

讀書雜誌九

高郵王念孫

道應

無爲知 弗知之淺

若是則無爲知與無窮之弗知孰是孰非無始曰弗知之淺而知之淺弗知內而知之外弗知精而知之粗念孫案弗知之淺之字當在上文無爲下無爲之知與無窮之弗知相對爲文今本無爲下脫之字則文不成義弗知下衍之事則與下二句不對莊子知北遊篇作若是則無窮之弗知與無爲之知孰是而孰非乎無始曰

弗知浚矣知之淺矣弗知內矣知之外矣是其證

形之不形

孰知形之不形者乎念孫案形之不形當依莊子作形
形之不形郭象曰形自形耳形形者竟無物也少一形
字則義不可通列子天瑞篇亦云形之所形者實矣而
形形者未嘗有

誰知

白公曰然則人固不可以微言乎道藏本如是案詩箋
儀禮注多云以猶與
也上文人可以微言乎即其證劉本改以為孔子曰何
與而諸木及菴木皆從之蓋未達古訓也
謂不可謂猶誰知言之謂者乎念孫案誰當為唯字之

誤也。言唯知言之謂者，乃可與微言也。呂氏春秋精諭篇作唯，知言之謂者為可耳。列子說符篇作唯，知言之謂者乎。文子微明篇同。是其證。

先生

惠子為惠王為國法已成而示諸先生，先生皆善之。太平御覽治道部五引此，同念孫案先生二字於義無取。呂氏春秋淫辭篇先生皆作民人，集韻類篇民字古作兕，人字唐武后作厶，疑兕誤為先厶誤為生也。宋策吾欲藉子殺人，今本人作王亦厶之誤。

曰善

以示翟煎曰善念孫案曰善上當更有翟煎二字以示
 翟煎翟煎曰善與上文示諸先生先生皆善之奏之惠
 王惠王甚說之文同一例今本翟煎二字不重寫者脫
 之也太平御覽引此已誤羣書治要引此作以示翟煎
 翟煎曰善呂氏春秋作以示翟煎翟煎曰善也皆其證

有禮

治國有禮不在文辯念孫案有禮當為在禮字之誤也
 在與不在相對為文羣書治要引此正作在禮

石乙

石乙入念孫案石乙當為石乞字之誤也
乞即乞之省
 文非從乙聲

不得通

人閒篇及哀十六年左傳史記楚世家五子胥

傳墨子非儒篇呂氏春秋分職篇皆作石乞

來附

攝女知正女度神將來舍德將來附若美而道將為女

居蠢乎若新生之犢而無求其故

蠢各本誤作蠢辨見地形篇其人蠢愚下

念孫案德將來附若美本作德將為若美此後人因上

句神將來舍而妄改之也若亦女也德將為若美道將

為女居相對為文若改為德將來附則若美二字文不

成義矣此文以度舍居故為韻後人不知舍字之入韻

舍古讀若庶故與度居故為韻後人讀舍為始夜反故不入韻

故改此句為德將來附

以與度爲韻，不知古音度在御部，附在候部。說見六書音均表。

附與度非韻也。莊子知北遊篇作德將爲女美，而道將爲女居。文子道原篇作德將爲女容，道將爲女居，皆其證。

直實知

直實知，不以故自持。念孫案直實知三字，文不成義。當從莊子文子作真其實知。今本真誤爲直，又脫其字。主術篇注曰：故，巧也。真其實知，不以故自持。莊子所謂去智與故，循天之理也。漢魏叢書本改爲直實，不知以故自持而莊本從之，斯爲謬矣。

攻翟 左人終人

趙襄子攻翟而勝之左人終人

道藏本劉本朱本左字竝作九俗書左字作左

因誤而為九茅本改九為尤而莊本從之斯為謬矣呂氏春秋慎大篇作老人亦左人之誤晉語劉子竝作左

人水經滹水注寇水東逕左人城南應劭曰左人城在唐縣西北四十里是也今改正念孫案攻

翟上當有使字襄子使新稚狗攻翟而未親往故下文

言使者來謁也羣書治要引此有使字晉語曰趙襄子

使新稚穆子伐狄劉子說符篇同是其證左人終人句

與上句義不相屬莊據劉子於句首加取字理或然也

今一朝兩城下

今趙氏之德行無所積今一朝兩城下凶其及我乎念

孫案今一朝兩城下本作一朝而兩城下此後人嫌其與上文相複而改之也。不知此是復舉上文之詞當與前同不當與前異。若云今一朝兩城下則與上句今字相複矣。羣書治要引此正作一朝而兩城下。列子呂氏春秋竝同。

勝非其難者也下脫六字

勝非其難者也。劉本於此下增入持之其難者也。一句云舊本無此句。非念孫案。列子呂氏春秋皆有此句。羣書治要引淮南亦有此句。則劉增是也。莊本作持之者其難也。則與上句不對。非是。

杓國門之闢

孔子勁杓國門之闢而不肯以力聞注杓引也古者縣門下從上杓引之者難也念孫案劉子釋文引此作許注今高注有之者蓋後人以許注竄入也又案杓當爲拘字從手不從木玉篇杓甫遙都歷二切斗柄也又市若切拘丁激切引也廣韻杓甫遙切北斗柄拘都歷切引也許注訓拘爲引則其字當從手玉篇廣韻訓拘爲引卽本於許注其證一也史記天官書用昏建者杓索隱說文杓斗柄音匹遙反又下文拘雲如繩者索隱拘說文音丁了反許慎注淮南云拘引也是拘音丁了反

而訓爲引與杓字不同其證二也晉書天文志杓雲如繩何超音義杓音鳥鳥與丁了同音其證三也而今本淮南及劉子釋文史記漢書杓字皆誤作杓晉書又與誤作杓與玉篇廣韻不合世人多見杓少見杓遂莫有能正其失者矣

蹠足警欬疾言

惠孟見宋康王蹠足警欬疾言曰寡人所說者勇有功也不說爲仁義者也念孫案蹠足上當更有康王二字今本脫去則文義不明劉子黃帝篇作惠益見宋康王康王蹠足警欬疾言是其證有功當爲有力字之誤也

勇有力對下句仁義而言若作有功則非其指矣下文皆言有力不言有功劉子及呂氏春秋順說篇竝作勇有力是其證

人雖勇 雖巧有力

臣有道於此人雖勇刺之不入雖巧有力擊之不中念孫案人雖勇上當有使字下文曰臣有道於此使人雖勇弗敢刺雖有力不敢擊又曰使人本無其意又曰使天下丈夫女子莫不歡然皆欲愛利之皆其證也今本脫使字則與上句義不相屬劉子呂氏春秋皆有使字又案有力上本無巧字此後人以文子道德篇加之也

案文子云雖巧擊之不中此云雖有力擊之不中文各不同加巧字於有力之上則文不成義矣下文云雖有力不敢擊亦無巧字也劉子呂氏春秋皆無巧字

愛利之心

臣有道於此使天下丈夫女子莫不歡然皆欲愛利之心念孫案愛利之下不當有心字此因上文未有愛利之心而誤衍也文子劉子呂氏春秋皆無心字下文云天下丈夫女子莫不延頸舉踵而願安利之亦無心字故老子曰下脫五字

故老子曰勇於不敢則活念孫案老子曰下脫勇於敢

則殺一句兩句相對爲文單引一句則文不成義文子
道德篇亦有此句

文君

杜赫以安天下說周昭文君文君謂杜赫曰念孫案文
君謂杜赫曰上脫昭字當依上句及呂氏春秋務大篇
補

爲人妾

魯人爲人妾於諸侯念孫案呂氏春秋察微篇說苑政
理篇家語致思篇妾上俱有臣字於義爲長

受教順

夫聖人之舉事也可以移風易俗而受教順可施後世
念孫案教順上本無受字此因上文不受金而誤衍也
教順卽教訓也訓順古多通用不煩引證教訓上有受字則與下四字義不相屬矣說苑家語竝作教導可施於百姓是其證

知禮

孔子亦可謂知禮矣故老子曰見小曰明念孫案知禮本作知化謂知事理之變化也見子贖之不受金而知魯人之不復贖人達於事變故曰知化齊俗篇曰唯聖人知其化呂氏春秋驕恣篇曰智短則不知化知化篇曰凡智之貴也貴知化也非謂其知禮也俗書

禮字或作礼形與化相近化誤爲礼後人因改爲禮耳
齊俗篇述此事而論之曰孔子之明以小知大以近知
遠卽此所謂知化也故下文引老子見小曰明之語呂
氏春秋論此事曰孔子見之以細觀化遠也說苑曰孔
子可謂通於化矣此皆其明證

及至

桓公及至念孫案及當爲反字之誤也反至謂桓公反
而至於朝也呂氏春秋舉難篇新序雜事篇竝作反至

難合

且人固難合也權而用其長者而已矣念孫案合當爲

全言用人不可求全也。全合字相近，又因上文合其所
以而誤。呂氏春秋新序竝作全。

所自來者

今受其先人之爵祿，則必重失之。所自來者久矣，而輕
失之，豈不惑哉！念孫案：所自來者，上當有生之二字。此
承上文保生而言。言人皆重爵祿而輕其生也。脫去生
之二字，則文不成義。莊子讓王篇：呂氏春秋審爲篇文
子上仁篇皆有生之二字。

本任於身

臣未嘗聞身治而國亂者也。未嘗聞身亂而國治者也。

故本任於身不敢對以末念孫案任當爲狂字之誤也
覽其篇余在天下誰敢害
吾意者在字亦誤作任呂氏春秋執一篇作爲國之
本在於爲身列子說符篇作故本在身皆其證

輪人 其人在焉

桓公讀書於堂輪人斲輪於堂下釋其椎鑿而問桓公
曰君之所讀書者何書也桓公曰聖人之書輪扁曰其
人在焉高注曰輪扁人名問作書之人何在也念孫案
輪人當依莊子天道篇作輪扁輪扁之名當見於前不
當見於後也高注輪扁人名四字本在此句之下因扁
誤爲人後人遂移置於下文輪扁曰云云之下耳陳氏

觀樓曰：其人在焉，當作其人焉在。故高注云：問作書之人何在。

却宋君 却以危

子罕遂却宋君而專其政，念孫案：却當爲劫字之誤也。韓詩外傳作去，去亦劫之誤。韓子外儲說右篇作劫，宋君而奪其政，是其證。二柄篇又云：宋君失刑而子罕用之。故宋君見劫，史記李斯傳亦云：司城子罕劫其君。又說林篇：知己者不可誘以物，明於死生者不可却以危，却亦當爲劫。繆稱篇曰：有義者不可欺以利，有勇者不可劫以懼，是其證。

藏書 焚書

王壽負書而行，見徐馮於周，徐馮曰：「事者應變而動，變生於時，故知時者無常行，書者言之所出也，言出於知者，知者藏書，於是王壽乃焚書而舞之，念孫案：知者藏書，本作知者不藏書，與知時者無常行相對爲文，今本脫不字，則與上下文不相屬矣。太平御覽學部十三引此有不字，韓子喻老篇同，焚書而舞之，御覽引焚下有其字，韓子同，據高注云：自喜焚其書，故舞之也，則正文本有其字。」

莊王許諾下脫文

令尹子佩請飲莊王，莊王許諾。子佩跣指北面立於殿

下。說今本誤作跪。高注，跪，徒跪也。誤作跪，徒跪也。太平御覽引正文作跪，與高注徒跪合。今據改。曰：管

者，君王許之，今不果往，意者臣有罪乎？念孫案：太平御

覽人事部一百九引莊王許諾下，有子佩具於京臺。莊

王不往，明日其十二字。今本脫去，當補入。文選應璩與

滿寵書注引此子佩作子瑕，亦云子瑕具於京臺。莊王

不往京強二字，古同聲而通用。故今本京臺作強臺。

為吳兵先馬走

越王句踐請身為臣，妻為妾，親執戈，為吳兵先馬走。念

孫案：為吳兵先馬走，當作為吳王先馬。今本吳王作吳

兵涉下文襄子起兵而誤其走字則涉注文而行也據

注云先馬句走先馬前道藏本劉本朱本竝同茅本於

馬走絕句故也莊本同則正文無走字明矣為吳王先馬即上文

所謂身為臣也若作吳兵則非其指矣越語曰其身親

為夫差前馬韓子喻老篇曰身執戈為吳王洗馬先洗

通皆其證

攻圍之未合

趙簡子外未葬中牟入齊已葬五日襄子起兵攻圍之

未合而城自壞者十丈念孫案此當作襄子起兵攻之

句圍未合而城自壞者十丈今本之圍二字誤倒則文

不成義。太平御覽兵部四十九引此不誤。韓詩外傳作襄子與師而攻之。圍未而。而城自壞者十丈。新序雜事篇作襄子率師伐之。圍未合而城自壞者十堵。

若亾其一

相天下之馬者若滅若失。若亾其一若此馬者絕塵弭徹。高讀若滅若失。若亾爲句。云若滅其相不可見也。若失。乍入乍出也。若亾。髣髴不及也。引之曰。此當以若亾其一爲句。莊子徐無鬼篇。天下馬有成材。若郟若失。若亾其一。陸德明曰。言亾其耦也。齊物論篇。嗒焉似亾。其耦。司馬彪曰。耦。身也。身與神爲耦。此言若亾其一。亦謂

滿神不動若亾其身也高讀至若亾爲句則其一二字上下無所屬矣且一與失微爲韻如高讀則失其韻矣

供僭纏 纏索

臣有所以供僭纏采薪者

道藏本如是案以猶與也劉本改以爲與而諸本及莊本

皆從之辨見前誰知一條下

高注曰纏索也念孫案供當爲共此因

僭字而誤加人旁也蜀志郤正傳注引此正作共劉子

說符篇同纏字之義諸書或訓爲繞

說文或訓爲束廣雅無

訓爲索者纏當爲纏字之誤也說文作縲云索也字或

作縲坎上六係用微縲馬融曰微縲索也劉表曰三股

曰微兩股曰縲故高注云縲索也若作僭纏則義不可

通矣。劉子及郤正傳注。白帖九十六。纏字亦誤作纏。蓋

世人多見纏。少見纏。故傳寫多誤耳。管子乘馬篇。鍊纏。得入焉。今本纏字

亦誤作纏。唯宋本不誤。韓子說疑篇。或在囹圄。縲紲。纏索之中。今本亦誤作纏。唯道藏本。劉子

釋文作纏。音墨。足正。今本之誤。又說林篇。龜紐之璽。賢

者以為佩。土壤布在田。能者以為富。予溺者金玉。今本

有拯字。乃涉注文而衍。此謂與溺者金玉。不如與之繩。索使得援之。以出水。非謂與拯溺者也。高注自謂金玉

非拯溺之具。亦非謂與拯溺者金玉也。太平御覽珍寶部九引此。有拯字。亦後人依誤本加之。其人事部三十

七引此。無拯字。文子上德篇亦無。今據附。不若尋常之纏索。案尋常之纏索

本作尋常之纏。其索字。則後人所加也。高注此文以佩

富纏為韻。若作纏索。則失其韻矣。文子作不如與之尺。索亦改淮南而失其

太平御覽人事部三十七珍寶部九引此竝作尋常之繼雖繼誤爲繼而繼下俱無索字

求者

敗矣子之所使求者念孫案求下脫馬字郤正傳注及白帖引此竝有馬字劉子同

在內

得其精而忘其粗在內而忘其外念孫案在下本有其字後人以意刪之也爾雅曰在察也察其內卽得其精也忘其外卽忘其粗也後人不知在之訓爲察故刪去其字耳郤正傳注引此正作在其內而忘其外劉子同

白帖引作見其內而忘其外雖改在爲見而其字尚存

屈宜若

吳起爲楚令尹適魏問屈宜若注屈宜若楚大夫也

魏者也念孫案此許注也宜若當爲宜咎字之誤也

咎字或作咎與若相似史記六國表韓世家竝作宜白集解引淮

南許注云屈宜白楚大夫也在魏者也正與此注同說

苑指武篇亦作屈宜白權謀篇作屈宜咎是白咎古字

通屈宜白之爲宜咎亦猶平王宜白之爲宜咎矣

雅小弁傳白華箋竝作宜咎

爲人

王不知起之不肖而以爲令尹先生試觀起之爲人也
念孫案爲人本作爲之此後人以意改之也爲之謂爲
楚國之政也下文將衰楚國之爵而平其制祿云云正
承此句言之若作爲人則與上下文全不相涉矣說苑
指武篇正作爲之

時爭利

旣厲甲兵時爭利於天下念孫案時上當有以字謂因
時而動與天下爭利也脫去以字則文義不明說苑有
以字

子韋

是寡人之命固已盡矣。子韋無復言矣。念孫案韋字因
上下文而衍。呂氏春秋制樂篇新序雜事篇論衡變虛
篇皆作子無復言矣。無韋字。

必有三賞君

君有君人之言三。天必有三賞君。念孫案次句有字。因
下文故有三賞。而衍呂氏春秋新序論衡皆作天必三
賞君。無有字。

七里

星必三徙。舍舍行七里。三七二十一。故君移年二十一
歲。念孫案七里當爲七星。字之誤也。古謂二十八宿爲

二十八星，七星，七宿也。呂氏春秋新序論衡皆作舍行七星，又新序論衡舍行七星下，皆有星當一年四字，於義爲長。舍行七星，三舍則行二十一星，星當一年，故延年二十一歲也。呂氏春秋亦云，星一徙當七年。

故曰

故曰聖人之處世，不逆有技能之士，念孫案故下曰字，因下文故老子曰而行，此因述公孫龍納善呼者一事而言，聖人不棄技能之士，非引古語爲證，不當有曰字。下文故老子曰云云，方引老子之言以證之耳。下文曰故伎無細而能無薄，在人君用之耳。今本故下有曰字，誤與此同。又

曰故人主之嗜欲見於外則爲人臣之所制又曰故周鼎著倭而使齧其指先王以見大巧之不可爲也又曰故大人之行不掩以繩至所極而已矣其下皆引書爲證與此文同一例而故下皆無曰字

是以

吾爵益高吾志益下吾官益大吾心益小吾祿益厚吾施益博是以免三怨可乎念孫案是以當依劉子說符篇作以是

使之時 其度安至

成王問政於尹佚曰吾何德之行而民親其上對曰使

之時而敬順之。王曰：其度安至？曰：如臨深淵，如履薄冰。

念孫案：使之時而敬順之。

順與慎同。

時上當有以字。說苑政

理篇：文子上仁篇竝作使之以時。是其證。其度安至，劉本改至爲在，而莊本從之。案其度安至者，謂敬慎之度何所至，猶言當如何敬慎也。下文如臨深淵，如履薄冰，正言敬慎之度所至也。若云其度安在，則謬以千里矣。太平御覽皇王部九引此，正作其度安至，說苑同。

奚適其無道也

跖之徒問跖曰：盜亦有道乎？跖曰：奚適其無道也？夫意而中藏者，聖也；入先者，勇也；出後者，義也；分均者，仁也。

知可否者智也。念孫案奚適其無道也。本作奚適其有

道也。適與啻同。

孟子告子篇則口腹豈適為尺寸之膚哉。秦策疑臣者不適三人。適竝與啻同。

史記甘茂傳作疑臣者非特三人。

言豈特有道而已哉。乃聖勇義仁智

五者皆備也。後人不知適之讀為啻而誤以為適齊適

楚之適。故改有為無耳。莊子胠篋篇本作何適其有道

邪。適亦與啻同。今本作何適而無有道邪。而無二字亦

後人所改。唯有字尚存。呂氏春秋當務篇正作奚啻其

有道也。

偷也

楚將子發好求伎道之士。楚有善為偷者。往見曰。聞君

求伎道之士，臣偷也。願以伎齊一卒，念孫案臣偷也。本作臣，楚市偷也。下文市偷進請曰：卽承此句言之。今本脫楚市二字。太平御覽人事部一百十六、一百四十引此，竝作臣楚市偷也。

何爲之禮

左右諫曰：偷者，天下之盜也。何爲之禮？念孫案之禮，當爲禮之。上文出見而禮之，卽其證。蜀志郤正傳注引此，正作何爲禮之。

夜解齊將匍之幬帳

偷則夜解齊將匍之幬帳而獻之。念孫案郤正傳注及

北堂書鈔衣冠部一太平御覽人事部一百十六一百四十服章部五服用部九引此夜下俱有出字於義爲長

明又 明日又

明又復往取其枕子發又使人歸之明日又復往取其簪子發又使歸之念孫案明又明日又兩又字皆當爲

夕夕又字相近又因下句又字而誤若以又復二字連讀則明字文不成

義後人不知又爲夕之誤故又加日字耳偷以夜往故

言夕上文曰偷則夜出是也舊本北堂書鈔衣冠部一

引此作明夕取枕明夕取簪陳禹謨依俗本於取簪上加又字而夕字尚未改

太平御覽四引皆作明夕復往取其枕明夕復往取其簪

楚君 則還師

將匍與匍吏謀曰今日不去楚君恐取吾頭則還師而去念孫案楚君當為楚匍聲之誤也郤正傳注太平御

覽引此竝作楚匍則還師而去道藏本如是則與卽同郤正

傳注太平御覽引此竝作卽還師卽則古多通劉績不

曉則字之義改則為乃而諸本從之莊本同斯為謬矣

故曰無細而能薄

故曰無細而能薄在人君用之耳念孫案故曰無細而

能薄本作故伎無細而能無薄言人君能用人則細伎
薄能皆得效其用也今本衍日字日字因下文故老子
日而衍說見前故曰
下又脫伎字及下無字遂致文不成義太平御覽兩引
此文竝作故伎無細能無薄

尊重

齊王大說遂尊重薛公念孫案遂尊重薛公本作遂重
薛公重即尊也秦策請重公於齊高注重尊也又西周
策齊策注呂氏春秋勸學節藝二篇注
禮記祭統注竝同古書無以尊重二字連用者戰國策史記漢
書及諸子書皆
但言重無唯俗語有之羣書治要引此無尊字蓋後人
所加也

意欲

故人主之意欲見於外則為人臣之所制念孫案古書無以意欲二字連用者此涉上文欲中王之意而誤也意欲本作嗜欲主術篇曰君人者喜怒形於心者欲見於外嗜者與則守職者離正而阿上是其證羣書治要引此正作嗜欲

淚注

淚目而元鬢淚注而歃肩今本高注云淚水念孫案淚注當為渠頸高注淚水當為渠大皆字之誤也俗書渠淚淚字或作渠二形相似故渠誤為淚廣韻渠強魚切引方言云祀宋魏之間謂之渠挈渠即渠字玉篇云渠

俗誤字皆其證也。頸誤爲注者，注字右邊主爲頸字左邊至之殘文，又因淚字而誤加水旁耳。若高注內大字今作水，則後人以淚字從水而妄改之。

渠頸大頸也。渠之言巨也。史記蔡澤傳先生曷鼻巨肩。徐廣曰巨一作渠。彼言渠肩猶此言渠頸矣。杜子春注周官鍾師引呂叔玉云肆夏樊遏渠皆周頌也。渠大也。言以后稷配天，王道之大也。荀子疆國篇是渠衝入穴而求利也。楊倞曰渠大也。渠衝攻城之大車也。漢書吳王濞傳膠西王膠東王爲渠率顏師古亦云渠大也。是渠與大同義。故高注訓渠爲大也。太平御覽地部二引作淚注而戴肩則所見本已誤。蜀志郤正傳注引作戾頸而戴肩戾亦傳寫之誤。論衡道

虛篇作鴈頸而貳肩。鴈字則後人以意改之。唯頸字皆不誤。藝文類聚靈異部上引作渠頸而貳肩。又引注云渠大也。斯爲確據矣。

逖逃乎碑

慢然下其臂。逖逃乎碑。念孫案碑下脫去下字。碑或作

啤。太元增上九。崔嵬不崩。賴彼映啤。玉篇映於兩切。啤方爾切。范望

曰映啤山足也。下者後也。見大雅下武箋。周語注。謂逖逃乎山足

之後。故高注曰匿於碑陰也。太平御覽引此已脫下字。

藝文類聚引作啤下。蜀志注引作碑下。論衡同。

不渝

敖幼而好游。至長不渝。念孫案此本作至長不渝。解今本無解字者。後人不曉渝解二字之義而削之也。不知渝與解同義。太元格次三。裳格聲鈞。渝。范望曰。渝解也。字亦作愉。呂氏春秋勿躬篇。百官慎職而莫敢愉。綖。高注曰。愉解也。綖緩也。又方言。愉。擗脫也。解。輪脫也。郭璞曰。悅猶脫耳。文選七發。愉。棄恬怠。輪。寫洪濁。李善注引方言。愉。脫也。脫亦解也。渝。愉。愉。輸。竝聲近而義同。太平御覽。作至長不渝。解。蜀志注引作長不渝。解。論衡作至長不渝。解。字雖不同而皆有解字。

東開鴻濛之光 燕陶

若我南游乎罔窅之野舊本罔誤作罔考論衡蜀志注

補注竝作罔北息乎沈墨之鄉西窮窅冥之黨東開鴻

濛之先道藏本如是各本先字皆誤作先而莊本從之

濛為景柱高注曰鴻濛東方之野日所出故以為景柱

是也且先與鄉為韻若作先則失其韻矣論衡蜀志注

太平御覽楚辭此其下無地而上無天聽焉無聞視焉

燕眴道藏本劉本如是各念孫案東開鴻濛之先開當

為開開字俗書作開唐顏元孫干祿字書開字俗書作

開二形相似故開誤為開莊子秋水篇今吾無所開吾

關天下之句今本關誤作開漢書西南夷傳皆棄此國

而關蜀故微史記關誤作開說文管十二月之音物關

地而互故謂之管關與貫同雜記輪人以其杖關轂而

今本亦誤作開

嘉傳大臣括髮關械關械即貫械今人言關通即貫通鄉射禮不貫不釋古文貫作關大戴禮子張問入官篇察一而關於多家語入官篇關作貫史記儒林傳履雖新必關於足漢書關作貫東貫鴻濛之

光謂東貫日光也見上注司馬相如大人賦貫剔缺之倒

景義與此貫字同太平御覽楚辭補注引此作東開鴻

濛之光則所見本已誤論衡作東貫頡濛之光蜀志注

引此作東貫鴻濛之光貫關古字通則開為關之誤明

矣視焉無眴本作視焉則眴眴與眩同司馬相如大人

賦云視眩泯而亾見楊雄甘泉賦云目冥眴而亾見其

義一也楚辭遠遊云下崢嶸而無地兮上寥廓而無天

視儻忽而無見兮聽愴恍而無聞此云下無地而上無

天驕焉無聞視焉則眴義本遠遊也蜀志注引此正作

視焉則眴論衡作視焉則營營與眴古字通也眴字從目旬聲

大雅江漢篇來旬來宣鄭箋曰旬當作營史記天官書旬始徐廣曰旬一作營旬之通作營猶眴之通作營矣

道藏本作視焉無眴者涉上句無字而誤太平御覽所

引已與道藏同後人不知無眴爲則眴之誤遂改眴爲

矚而莊本從之案廣韻矚視也是矚與視同義視焉無

視斯爲不詞矣且眴與天爲韻若作矚則失其韻矣

九垓之外 久駐

吾與汗漫期於九垓之外吾不可以久駐高注曰九垓

九天之外念孫案九垓之外本作九垓之上高注本作

九垓九天也。倣真篇徒倚於汗漫之宇。高注引此文云。吾與汗漫期於九垓之上。漢書禮樂志郊祀歌專精厲意逝九閼。如淳曰。閼亦垓也。淮南子曰。吾與汗漫期乎九垓之上。垓重也。謂九天之上也。司馬相如傳封禪文。上暘九垓。如淳注。所引亦與前同。又論衡及蜀志注。太平御覽文選郭璞遊仙詩注。張協七命注。竝引作九垓之上。李白廬山謠先期汗漫九垓上。願接盧敖遊太清。卽用此篇之語。則李所見本亦作九垓之上。御覽又引高注云。九垓九天也。此皆其明證矣。後人既改九垓之上爲九垓之外。復於注內加之外二字。以曲爲附會。甚矣其妄也。又案吾不可以久駐。駐字亦後人所

加論衡作吾不可久。蜀志注又選注太平御覽竝引作吾不可以久。則久下原無駐字明矣。

止柸治

乃止駕止柸治。悖若有嚳也。念孫案止柸治之止當為心。隸書心字作心，止字或作以。二形相似，又涉上句止字而誤也。乃止駕為句，心柸治為句，悖若有嚳也。為句柸治，疊韻字，言其心柸治然也。高注楚人謂恨不得為柸治也。論衡作乃止喜。喜當為嘉嘉，駕古字通。心不怠，悵若有嚳，不怠即柸治之俗字，則止為心字之誤明矣。莊本刪去止字，非是。

朝菌

故莊子曰朝菌不知晦朔。蟪蛄不知春秋。高注曰：朝菌，朝生暮死之蟲也。生水上，狀若蠶蛾。一名孳母。念孫案：朝菌本作朝秀。高注同。今作朝菌者，後人據莊子逍遙遊篇改之也。文選辯命論：朝秀晨終。李善注引淮南子：朝秀不知晦朔。太平御覽：蟲秀部：茲母下，引淮南子：朝秀不知晦朔。又引高注云：朝秀，朝生暮死之蟲也。生水上，似蠶蛾。一名茲母。廣雅釋蟲：朝秀。曹憲音秀。孳母也。義本淮南注。是淮南自作朝秀，與莊子異文，不得據彼以改此也。

季子

季子治亶父三年羣書治要引此季子作宓音伏子呂氏

春秋具備篇同念孫案諸書無謂宓子賤為季子者季

當為孚字之誤也孚與宓聲相近宓子之為孚子猶宓

犧之為庖犧也伏犧字漢書皆作宓庖字古讀若浮故

相近故宓犧齊俗篇賓有見人於宓子者太平御覽人

事部四十六引作孚子羣書治要作季子故知宓通作

孚孚誤作季也

見夜魚釋之

見夜魚釋之朱本改為見得魚釋之莊本太平御覽鱗

介部七引作見夜魚者釋之羣書治要引作見夜漁者

得魚則釋之。念孫案羣書治要所引是也。呂氏春秋作見夜漁者得則舍之家語屈節篇作見夜斂者得魚輒舍之。是其證。秦族篇亦云。見夜漁者得小卽釋之。

誠於此

誠於此者。刑於彼。念孫案各本及莊本誠字皆誤作誠。唯道藏本不誤。羣書治要引此正作誠。呂氏春秋家語竝同。

就視

光耀不得問。而就視其狀貌。念孫案就視當依莊子知北遊篇作孰視。字之誤也。孰與孰同。

師望之謂之

明日往朝師望之謂之曰念孫案望之謂之當作望而謂之今本而作之因下謂之而誤太平御覽工藝部三引此正作望而謂之呂氏春秋搏志篇同今本搏誤作博見呂氏春秋

瞑目教然攘臂拔劍

於是伏非瞑目教然攘臂拔劍念孫案瞑目二字與攘臂拔劍事不相類瞑目當為瞑目隸書真或作真冥或作冥二形相似而誤莊子秋水篇瞑目而不見邱山釋文或作冥管子小問篇桓公瞑目而視祝鳧已疵韓子守道篇瞑目切齒傾耳今本瞑字並誤作冥

在瞋目之上，而以敦然瞋目攘臂拔劍作一句讀。

失從心志

失從心志，而有不能成衡之事。

道藏本劉本皆如是

念孫案失從

心志當作失從之志。今本之作心者，因志字而誤。有與又同，此言魏王既不能合從，又不能連衡也。呂氏春秋離謂篇作失從之意，又失橫之事，是其證。漢魏叢書本改有爲，又而莊本從之，則昧於假借之義矣。

不可

故周鼎著僣而使齟其指，先王以見大巧之不可也。念孫案不可下脫爲字，呂氏春秋作先王有以見大巧之

不可爲也。是其證。本經篇亦云。故周鼎著倭。使銜其指。以明大巧之不可爲也。

子之將匍之節

墨者有田鳩者。欲見秦惠王。約車申轅。留於秦。周年不得見。客有言之楚王者。往見楚王。楚王甚說之。予以節使於秦。至。因見子之。將匍之節。惠王而說之。陳氏觀樓曰。呂氏春秋首時篇云。楚王說之。與將匍之節。以如秦。至。因見惠王。則此亦當云。至。因見惠王。而說之。其子之將匍之節六字。乃是上文。予以節句注語。今誤入此句中。文義遂不可曉。念孫案。陳說是也。莊本又加見字於

而說之之上非是

此所謂筦子梟飛而維繩者

故大人之行不掩以繩至所極而已矣此所謂筦子梟
飛而維繩者高注曰言爲士者上下無常進退無恆不
可繩也以喻飛梟從下繩維之而欲翱翔則不可也陳
氏觀樓曰此所謂筦子當作此筦子所謂梟飛而維繩
當作身飛而準繩案管子宙合篇曰身飛準繩此言大
人之義也云云大意謂身飛雖不必如繩之直然意南
而南意北而北總期於還山集谷而後止則亦與準於
繩者無異所謂苟大意得不以小缺爲傷也故此云大

人之行不掩以繩至所極而已矣此筦子所謂身飛而
準繩者今本身誤作梟準誤作維準字俗省作準又因
下繩字而誤從系
則義不可通注內梟字亦身字之誤而云從下繩維之
則高所見本已誤作維矣

金鐵鍼

豐水之渡千仞而不受塵垢投金鐵鍼焉則形見於外
念孫案金鐵下不當有鍼字鍼卽鐵之誤也鐵或省作
鍼形與鍼
相近今作金鐵鍼者一本作鐵一本作鍼而後人誤合之
耳文選沈約貽京邑游好詩注太平御覽珍寶部十二
引此皆無鍼字文子上禮篇作金鐵在中形見於外羣

治要所引如是今本文子
金鐵作金石乃後人所改

陰蔽隱

是故石上不生五穀禿山不游麋鹿無所陰蔽隱也陰

同陰念孫案隱字蓋蔽字之注而誤入正文者廣雅蔽文

子無隱字是其證

房心

管吾見句星在房心之間地其動乎高注曰房星句句

星守房心則地動也劉本注文房星作駟房朱本漢魏

同念孫案正文本作句星在駟心之間注本作駟句房

星句句星守房心則地動也道藏本注文房星上脫駟

字劉本房下脫星字若正文之駟心作房心則涉注文
守房心而誤也莊伯鴻不知正文房爲駟之誤又改注
文之駟房爲房駟以就之斯爲謬矣駟爲房之別名故
須訓釋若房心爲二十八宿之正名則不須訓釋爾雅
房也以房釋天駟
不以天駟釋房高注釋駟而不釋心卽其證也晏子
春秋外篇作管吾見鉤星在四心之間卽淮南所本與
句同四

捐而損之

子貢在側曰請問持盈曰捐而損之念孫案捐與挹同

集韻挹或作捐荀子議兵篇
拱挹指麾富國篇作拱捐文選爲幽州牧與彭寵書

注引蒼頡篇云，挹損也。損與損義相近，故曰挹而損之。作指者，借字耳。劉績不達而改損爲益，莊本從之，斯爲謬矣。後漢書杜篤傳注引此，正作挹而損之。荀子宥坐篇說苑敬慎篇竝同。韓詩外傳作抑而損之，抑與挹聲亦相近，故諸書或言抑損，或言挹損也。

儉 陋

多聞博辯守之以儉，富貴廣大守之以陋。劉本改儉爲陋，陋爲儉而莊本從之。念孫案說文儉，約也。廣雅儉，少也。正與多聞博辯相對，不當改爲陋。說文陋，狹也。俗作狹。楚辭七諫注曰：陋，小也。亦與富貴廣大相對，不當改爲

儉杜篤傳注引此正作多聞博辯守之以儉富貴廣大
守之以陋與道藏本同文子九守篇作多聞博辯守以
儉富貴廣大守以狹狹亦陋也

供其情

彼皆樂其業供其情念孫案供當爲佚佚與逸同安也
逸樂義相近若云供其情則與上句不類矣隸書佚或
作供與供相似而誤

載之木

於是乃去其耆而載之木解其劍而帶之笏高注曰耆
被髮也木騶鳥冠也知天文者冠鶩

各本脫天字今據爾雅翼所引補

引之曰載與戴同木當爲朮字之誤也朮卽鵠字也高注當作朮鵠身冠也知天文者冠鵠今本鵠作鶩者鶩鶩字相近又涉上文鶩字而誤也

爾雅翼引此已誤

說文鵠知

天將雨鳥也禮記曰知天文者冠鵠莊子天地篇皮弁鵠冠搢笏紳脩釋文鵠尹必反徐音述玉篇及爾雅釋文漢書五行志注鵠字竝聿述二音匡謬正俗曰案鵠水鳥天將雨卽鳴古人以其知天時乃爲冠象此鳥之形使掌天文者冠之鵠字音聿亦有術音故禮之衣服圖及蔡邕獨斷謂爲術氏冠亦因鵠音轉爲術耳

以上匡謬

正莊子釋文曰鵠又作鶩續漢書輿服志引記曰知天

者冠述說苑脩文篇作冠鉞蓋鵠字本有述音故其字
或作邁或作述或作鉞又通作朮耳朮與笏爲韻若作
朮則失其韻矣鵠卽翠鳥故古人以其羽飾冠冠鵠帶
笏皆所以爲飾故莊子亦言鵠冠指笏若鶯燕文采則
不可以爲飾矣且鵠知天雨故使知天文者冠之若鶯
則義無所取矣諸書皆言知天文者冠鵠無言冠鶯者

淮南內篇第十二